

卷五
六

本事方釋義



類證普濟本事方卷第五

宋白沙許學士原本

長洲葉

桂香巖釋義

腸風瀉血痔漏臟毒

治腸風瀉血久不止玉屑圓

槐根白皮去麤皮

苦楝根去皮各

椿根白皮肆兩三味于九月份二月前取軟者日乾

天南星

半夏各半兩並生

葳靈仙壹兩

寒食麪叁兩

右為細末滴水圓如桐子大乾之每服三十圓水八



北京中醫藥大學圖書館版權所有

分一盞煎沸下圓子煮令浮以匙抄取溫溫送下不
嚼空心食前服

義釋

槐根白皮氣味苦寒入手足陽明苦棟根氣味苦

寒入手足厥陰椿根白皮氣味苦寒入手足陽明天

南星氣味苦辛溫入手足太陰半夏氣味苦辛溫

入足陽明葳靈仙氣味微辛鹹平通利諸經絡寒

食麴氣味甘溫入足陽明此治腸風下血久不能

止者以味苦者堅其陰以味辛者通其陽則陰陽

既得和平而病自瘥矣

頃年有一人下血幾盈盆頓爾疲苴諸藥皆不効予

曰此正腸風令服玉屑圓三服止予苦疾三十年蓄
下血藥方近五十餘品其間或驗或否或始驗而久
不應或初不驗棄之再服有驗者未易歷談

按宋本
作立談

大抵此疾品類不同對病則多愈如下清血色鮮者
腸風也血濁而色黯者臟毒也肛門直射如血線者
蟲痔也亦有一種下部虛陽氣不升血隨氣而降者
仲景云脈弦而大弦則為減大則為亢減則為寒亢
則為虛寒虛相搏此名為革婦人則半產漏下男子
則亡血失精此下部虛而下血者也若得革脈却宜
服溫補藥蟲痔宜熏千金方用蝟皮艾者甚佳予嘗

作此法頗得力

治臟毒蒜連圓

鷹爪黃連末用獨頭蒜一顆煨香爛熟研勻入臼治熟圓如梧子大每服三四十圓陳米飲下

義釋

黃連氣味苦寒入手少陰手足陽明獨頭蒜氣味

辛溫入手足陽明足少陰厥陰因腸胃中鬱熱蘊

蓄成臟毒者非苦寒不能泄熱非辛溫不能引入

病所陳米飲送者欲藥之緩行于腸胃間也此亦

丹方之流

治腸風臟毒槐花散

槐花炒

柏葉爛杵

荊芥穗

枳殼

右修事了方秤等分細末用清米飲調下二錢空心食前服

義釋

槐花氣味苦寒入手足陽明厥陰柏葉氣味苦辛

微寒入足太陰荊芥穗氣味辛溫入足太陽少陽枳殼氣味苦寒入足太陰此臟毒腸風下血不止純用辛涼苦寒之藥以泄腸胃之熱血得涼而寧靜則病自然減耳

巢氏病源論腸癖為痔皆因飽食過度

按宋本皆因作久因房室

勞損血氣流溢滲入大腸衝發于下時便清血腹中刺

痛病名脈痔又論臟毒腸風

按臟宋本作脾與病源異疑誤

本緣榮衛

虛弱風氣進襲因熱乘之使血氣流散積熱壅遏血滲

腸間故大便下血椿皮圓

臭椿根皮

刮去麤皮焙乾肆兩按宋本作臭椿花

蒼朮

枳殼

各貳兩

右細末醋糊圓如梧子大空心食前米飲下三四十

圓

義釋

臭椿根皮氣味苦辛寒入手足陽明厥陰蒼朮氣

味辛溫入足太陰陽明枳殼氣味苦寒入足太陰



此因飽食房勞血滲大腸腹中刺痛下血謂之脈
痔熱氣蘊積不能流暢故投以苦寒燥劑每多効
驗也

治腸痔在腹內有鼠妳下血方

白臭蕪荑

按宋本無臭字

貫衆

狼牙根

蝟皮

炙焦在二引

按此味宋本根下注各壹

分

椿東引根白皮

槐東引根白皮

各壹兩宋本無注

按

雄黃

半兩

白鱧頭

壹箇炙焦

右為細末用臘月豬脂糊圓每一圓彈子大綿裹納



下部日三易

義釋

白臭蕪荑氣味辛平入足太陰手足陽明能消積
殺蟲貫衆氣味苦寒入手足陽明足厥陰狼牙根
氣味辛寒入足厥陰蝟皮氣味甘平入足厥陰手
陽明椿東引根白皮氣味苦寒入手足陽明厥陰
槐東引根白皮氣味苦平入手足陽明厥陰皆取
東方生氣雄黃氣味辛溫入足太陰能殺蟲白鱧
頭氣味甘平入手足陽明厥陰善能引入經絡臘
月豬脂取其潤也爲圓綿裹納于下部因腸痔久
而不愈腹内有鼠妳下血其中濕熱久鬱必有蟲

生故一日三易使久鬱之濕熱易去而引出所生

之蟲也

治痔有鼠乳結核作渴疼痛方

皂角

炙醋

黃芪

荆芥

槐子

穿山甲

木香

露蜂房

炒焦

蝟皮

炙

鼈甲

醋炙

桔梗

芍藥

各壹分

大黃

半兩生按宋本無生字

右細末煉蜜圓如梧子大每服二三十圓溫湯下食



前日三服未知加至四五十圓

義釋

皂角氣味辛溫入手太陰黃芪氣味甘平入手足

太陰荊芥氣味辛溫入足太陽少陽槐子氣味苦
寒入手足陽明穿山甲氣味鹹寒入足厥陰陽明
能引藥入經絡木香氣味辛溫入足太陰露蜂房
氣味辛鹹入手足太陰陽明蝟皮氣味鹹溫入足
少陽厥陰鼈甲氣味鹹寒入足少陽厥陰桔梗氣
味苦平入手太陰爲諸藥之舟楫芍藥氣味酸寒
入足厥陰大黃氣味苦寒入足陽明此內托下毒
方也內蘊之毒已成鼠乳結核致煩渴腹痛以辛

溫有毒之藥引入病處以調和氣血及辛香鹹寒之藥排其膿佐以舟楫之品再以苦寒之味下奪則久鬱之毒得宣用圓藥者緩攻之法也

治遠年腸風痔漏黃芪圓

黃芪

枳殼

葳靈仙

各貳兩

續斷

炒

槐角子

北礬

枯

當歸

炒

乾薑

附子

生熟地黃

連翹

炒各半兩



右細末蜜圓如梧子大米飲下三十圓空心食前服

按五字
宋本無晁推官方

義釋

黃芪氣味甘平入手足太陰枳殼氣味苦寒入足

太陰葳靈仙氣味苦辛鹹平去風利水能通十二

經絡續斷氣味苦辛微溫入足厥陰槐角子氣味

苦寒入足太陰北礬氣味涼澀入手太陰手足陽

明當歸氣味辛甘微溫入手少陰足厥陰乾薑氣

味辛溫入手足太陰附子氣味辛鹹大熱入手足

少陰生熟地黃氣味甘微苦寒入手足少陰連翹

氣味辛涼入手太陰此遠年腸風及痔成漏故投



藥必冷熱氣血相間雜方能引藥入絡否則不能
直至患處治以圓劑非急攻之病可知矣

治腸痔鼈甲圓

鼈甲

蝟皮炙焦

穿山甲炙焦

白礬枯

附子

豬牙皂角各半兩炙焦
存二分性

麝香壹分
研

右細末研勻蒸餅圓如梧子大米飲下三十圓食前

日三服

義釋鼈甲氣味鹹平入足厥陰蝟皮氣味甘平入足厥

陰手陽明穿山甲氣味鹹寒入足厥陰陽明白礬
氣味涼澀入手足太陰陽明附子氣味辛鹹
入手足少陰豬牙皂角氣味辛溫開竅入手足太
陰陽明麝香氣味辛溫入手足少陰蒸餅糊圓引
入下也治腸風而有痔者以鹹辛平之藥直入患
處以涼澀辛鹹溫之藥佐之又恐藥性之不能卽
至病所復使以辛香之品引入經絡焉有不中病
者哉

又方

槐花炒

白礬

枯各壹兩

附子

兩

右細末蒸餅圓如梧子大每服二十圓米飲下食前日三服以上二方龐老者

釋

槐花氣味苦寒入足陽明厥陰白礬氣味涼澀入

手足太陰陽明附子氣味辛鹹大熱入手足少陰腸風腸痔乃腸中濕熱所致苦寒涼澀之品不能直下故佐以辛鹹大熱之品引入病所再以蒸餅糊圓米飲送藥又欲其緩行於腸胃閒也

衄血吐血咯血方

治衄血無時茜梅圓

茜草根

艾葉

各壹兩

烏梅肉

焙乾半兩

右細末煉蜜圓如梧子大空心食前

按四字宋本無

烏梅湯

下三十圓

義釋

茜草根氣味苦寒平微澀入手足厥陰艾葉氣味

苦微溫入足太陰少陰厥陰烏梅肉氣味酸平入

足厥陰血熱妄行而衄血無時乃陽勝陰也厥陽

上逆無制以苦辛酸泄之則陽氣下行而病自緩

矣

經云天暑地熱經水沸溢蓋血妄行陽勝陰也鞠運

